



Republika e Kosovës
Republika Kosova - Republic of Kosovo

Oda e Farmacistëve të Kosovës
Komora Farmaceuta Kosova
Chamber of Pharmacists of Kosovo

Nr.Br.No. 272 Dt. 30/12/24

RREGULLORE PËR PROCEDURAT DHE KRITERET E ANËTARËSIMIT NË OFK

Prishtinë, 2024

KUVENDI I ODËS SË FARMACISTËVE TË KOSOVËS, në mbështetje të nenit 19, paragrafit 1 me nënparagrafin 1.1, në lidhje me nenin 9, paragrafi 1, nënparagrafi 1.2 të Ligjit Nr. 04/L-150 për Odat e Profesionistëve Shëndetësorë, nenit 21, paragrafin 1 me nënparagrafin 1.1, në lidhje me nenin 14, paragrafi 1 me nënparagrafin 1.2 të Statutit të Odës së Farmacistëve të Kosovës nr. 134 të datës 04/06/2025 në mbledhjen e mbajtur më 14/12/2024, nxjerrë këtë:

RREGULLORE PËR PROCEDURAT DHE KRITERET E ANËTARËSIMIT NË OFK

KREU I - DISPOZITA E PËRGJITHSHME

Neni 1

Qëllimi

Me këtë rregullore përcaktohet procedura e aplikimit, kriteret për regjistrim në Odën e Farmacistëve të Kosovës, mënyra e revokimit të anëtarësisë si dhe përmbajtja e regjistrit të anëtarësisë.

Neni 2

Obligimi i anëtarësimit

Farmacistët të cilët ushtrojnë ose dëshirojnë të ushtrojnë veprimtarinë e tyre profesionale në territorin e Republikës së Kosovës, janë të obliguar që të regjistrohen dhe anëtarësohen në Odën e Farmacistëve të Kosovës

Neni 3

Përkufizimet

Termet e përdorura në këtë rregullore kanë këtë kuptim:

Anëtarësim – procedura e regjistrimit të farmacistit në regjistrin e anëtarëve të OFK-së

Regjistri i anëtarëve – nënkupton regjistrin e OFK-së i cili përmban të dhënat e të gjithë anëtarëve të regjistruar në OFK

Kartela e identifikimit të anëtarit – ID/Certifikatë e cila dëshmon anëtarësimin në OFK

Kordinatori – nënkupton anëtarin e shërbimit profesional përgjegjës për kordinimin e çështjeve mbi anëtarësimin, licencimin dhe rilicencimin e anëtarëve.

KREU II – KRITERET DHE DOKUMENTET PËR ANËTARËSIM TË FARMACISTËVE

Neni 4

Kriteret për anëtarësim të shtetasve të Kosovës

1. Kriteret për anëtarësim në OFK janë:
 - 1.1. Të jetë shtetas i Republikës së Kosovës;
 - 1.2. Të ketë dhënë provimin profesional të licencës apo të ketë licencë;
 - 1.3. Të jetë i diplomuar si farmacist në ndonjërin nga institucionet e akredituara të arsimit të lartë në vend apo kur ka diplomuar jashtë vendit të ketë të nostrifikuar diplomën në Ministrinë e Arsimit;
 - 1.4. Të ketë paguar taksën administrative për anëtarësim.

Neni 5

Dokumentacioni për dorëzim

1. Farmacisti i cili aplikon për anëtarësim në OFK, duhet të dorëzojë këto dokumente:
 - 1.1. Aplikacionin,
 - 1.2. Kopjen e letërnjoftimit,
 - 1.3. Kopjen e noterizuar të diplomës së studimeve ose vërtetimit (certifikata e diplomës e noterizuar), në rast të studimeve jashtë vendit kopjen e noterizuar të vendimit të nostrifikimit të diplomës nga MASHT,
 - 1.4. Kopja e noterizuar e licencës ose certifikata e noterizuar e provimit të licencës,
 - 1.5. Pagesa e taksës administrative të anëtarësisë.

KREU III – KRITERET DHE DOKUMENTET PËR ANËTARËSIM TË FARMACISTËVE TË CILËT NUK JANË SHTETAS TË KOSOVËS

Neni 6

Kriteret për anëtarësim të farmacistëve që nuk kanë shtetësi të Kosovës

1. Për farmacistët të cilët nuk kanë shtetësi të Kosovës aplikohen këto kritere për anëtarësim:
 - 1.1. Të jetë i pajisur me leje qëndrim në Kosovë,

- 1.2. Kopjen e noterizuar të diplomës së studimeve ose vërtetimin (certifikata e diplomës e noterizuar), në rast të studimeve jashtë vendit kopjen e noterizuar të vendimit të nostrifikimit të diplomës nga MASHT,
- 1.3. Të ketë kopje të noterizuar të licencës së punës të lëshuar nga shteti origjinës e përkthyer nga përkthyesi zyrtar në Gjuhën Shqipe, ose të jetë i pajisur me leje pune nga organi kompetent nëse posedohet
- 1.4. Të ketë paguar taksën administrative për anëtarësim.

Neni 7

Dokumentet e nevojshme për anëtarësim të farmacistëve që nuk kanë shtetësi të Kosovës

1. Për farmacistët të cilët nuk kanë shtetësi të Kosovës që aplikojnë për anëtarësim në OFK, duhet të dorëzojnë këto dokumente:
 - 1.1. Aplikacionin,
 - 1.2. Kopja e noterizuar e lejes së qëndrimit në Kosovë,
 - 1.3. Kopja e noterizuar e licencës së punës nga shteti, shtetas i të cilit është ose kopja e noterizuar e lejes së punës për ushtrimin e profesionit të farmacistit në Kosovë nga MSH nëse posedohet dhe e përkthyer te përkthyesit e licencuar nëse është jashtë shtetit
 - 1.4. Kopjen e noterizuar të diplomës së studimeve ose vërtetimin (certifikata e diplomës e noterizuar), në rast të studimeve jashtë vendit kopjen e noterizuar të vendimit të nostrifikimit të diplomës nga MASHT ose përkthimi në gjuhën shqipe nga përkthyesi i licencuar
 - 1.5. Paga e taksës administrative për anëtarësim.

KREU IV – PROCEDURA E APLIKIMIT PËR ANËTARËSIM

Neni 8

Fillimi i procedurës

1. Farmacisti inicion procedurën e anëtarësimit përmes parashtrimit të aplikacionit dhe dokumentacionit Shërbimit Profesional të OFK-së përmes platformës elektronike
2. Konfirmimin e pranimit të aplikacionit anëtari e pranon me email së bashku me faturën për anëtarësim.

KREU V – PËRMBAJTJA E APLIKACIONIT

Neni 9

1. Aplikacioni përmban të paktën këto të dhëna
 - 1.1. Emri dhe mbiemri;
 - 1.2. Vendi dhe data e lindjes;
 - 1.3. Adresa e vendbanimit;
 - 1.4. Institucioni në të cilin ka diplomuar, data e diplomimit dhe nr. diplomës;
 - 1.5. Lloji i specializimit dhe data e specializimit (vetëm për specialistët)
 - 1.6. Numri i telefonit;
 - 1.7. Adresa valide e e-mail;
 - 1.8. Deklaratën se me nënshkrimin e aplikuesit e gjithë përgjegjësia për saktësinë e të dhënave është e tij dhe njohurinë mbi kodin etik
 - 1.9. Të dhëna tjera rreth identifikimit të cilat vendosen në platformë
2. Nënshkrimi i aplikacioni konsiderohet aprovimi elektronik i anëtarit në sistemin elektronik për menaxhimin e profesionsitëve shëndetësor

KREU VI - SHQYRTIMI, VENDIMET E KOMISIONIT DHE E DREJTA NË ANKESË

Neni 10

Afati kohor i shqyrtimit të kërkesës

1. Kordinatori i zyrës për anëtarësim jo më vonë se 15 ditë nga pranimi i kërkesës për anëtarësim është i obliguar të shqyrtojë atë dhe të vendosë në lidhje me të.
2. Vendimi nga paragrafi I-rë i nënshtrohet mbikqyrjes së ligjshmërisë nga Komisioni për Licencim në takimin e parë të radhës pas parashtirimit të kërkesës për anëtarësim.

Neni 11

Vendimi për miratimin e kërkesës

1. Kordinatori i zyrës për anëtarim e miraton kërkesën në rast se janë të plotësuara kushtet e parapara me këtë rregullore.

Neni 12
Vendimi për refuzimin e kërkesës

1. Në rastet kur aplikacioni përmban mangësi në plotësimin e dokumentacionit, Koordinator i kërkesës mund të caktojë afat shtesë jo më shumë se 7 ditë nga shqyrtimi i aplikacionit për plotësimin e lëndës.
2. Nëse brenda këtij afati aplikuesi nuk vepron sipas kërkesës së kordinatorit, kërkesa e tij refuzohet me vendim.
3. Koordinator refuzon kërkesën me vendim edhe në rastet kur ndaj aplikuesit në kohën në të cilën ka aplikuar i është shqiptuar masa disiplinore e fshirjes nga regjistri i anëtarëve të Odës.

Neni 13
E drejta në ankesë

1. Pala e pakënaqur me vendimin për refuzimin e kërkesës për anëtarësi dhe rianëtarësim, ka të drejtë ankese në afat prej 8 ditësh nga marrja e vendimit.
2. Ankesa i drejtohet Komisionit për Licencim, ndërsa ankesa ndaj vendimit të Komisionit në Këshillit Drejtues të OFK-së.
3. Nëse Këshilli Drejtues e vendos se ankesa e tillë është e bazuar, merr vendim për anëtarësimin e ankuesit, duke obliguar Komisionin për Licencim ta regjistrojë në regjistrin e anëtarëve të OFK-së.

Neni 14
Kartela e Identifikimit të anëtarit të OFK-së

1. Anëtarit me rastin e pranimin të aplikacionit i lëshohet kartela identifikuese e anëtarësisë e cila përmban së paku këto të dhëna:
 - 1.1. Emri dhe mbiemri;
 - 1.2. Numri rendor i anëtarësisë.
 - 1.3. Viti regjistrimit
 - 1.4. Qr Codi
2. Kartela e anëtarësisë është pronë e odës dhe si e tillë duhet t'iu dorëzohet organeve kompetente të odës me rastin e skadimit të saj apo në rast të çregjistrimit nga regjistri i anëtarëve.

3. Në rast të humbjes së kartelës, anëtari i OFK-së njofton me shkrim OFK për humbje duke e arsyetuar atë.
4. Kordinatori lëshon kartelën e re, pas kërkesës së anëtarit dhe pagesës së taksës administrative sipas vendimit të Kuvendit.
5. Të dhënat e tjera dhe forma e kartelës vendosen me vendim të Këshillit Drejtues.

KREU VII – REGJISTRI I ANËTARËVE TË ODËS

Neni 15

Regjistrat e anëtarëve

1. Komisioni për Licencim mban dy lloje të regjistrave të anëtarëve:
 - 1.1. Regjistri i anëtarëve të OFK-së shtetas të Kosovës,
 - 1.2. Regjistri i anëtarëve të OFK-së të cilët nuk janë shtetas të Kosovës.

Neni 16

Përmbajtja e regjistrit

1. Pas aprovimit të kërkesës për anëtarësim , Kordinatori regjistron menjëherë të dhënat e farmacistit në regjistër.
2. Regjistri i anëtarëve përmban këto të dhëna:
 - 2.1. Nr. rendor;
 - 2.2. Emrin dhe mbiemrin;
 - 2.3. Nr. e licencës (nëse e posedon);
 - 2.4. Datën e regjistrimit.

KREU VIII - FSHIRJA NGA REGJISTRI I ANËTARËSISË

Neni 17

Fshirja nga regjistri i anëtarësisë

1. Komisioni për Licencim merr vendim për fshirjen e farmacistit nga regjistri i anëtarësisë në këto raste:
 - 1.1. Me revokimin e përhershëm të licencës nga Këshilli Etik, ose vendimit nga Gjyqi i Nderit në rast të ankesës;
 - 1.2. Me kërkesën e anëtarit të Odës;
 - 1.3. Në rast të mospagesës së anëtarësisë për më shumë se gjashtë muaj pas afatit për pagesë me tërheqjen e licencës;
 - 1.4. Në rast të vdekjes së anëtarit;
 - 1.5. Me ekzekutimin e masës disiplinore të fshirjes nga regjistri i anëtarëve të OFK-së.
2. Vendimi i Komisionit hyn në fuqi pas kalimit të afatit të ankesës.
3. Anëtari i cili nuk respekton afatin për përmbushjen e taksës administrativ vjetore, deaktivizohet nga platforma elektronike pas afatit 6 muaj.
4. Farmacisti i fshirë nga regjistri i anëtarësisë njëherë, me rastin e riaplikimit për anëtarësim paguan taksë shtesë sipas shumës së caktuar me vendim të kuvendit.

Neni 18

E drejta e ankesës të farmacistit të fshirë nga regjistri

1. Farmacisti i fshirë nga regjistri i anëtarësisë ka të drejtë ankese ndaj vendimit të Komisionit për Licencim në Gjyqin të Nderit brenda 15 ditëve nga pranimi i vendimit.
2. Gjyqi i Nderit e shqyrton ankesën e tillë brenda 15 ditëve nga parashtrimi i saj.
3. Gjyqi i Nderit mund të anulojë vendimin e Këshillit Etik për heqjen nga regjistri i anëtarëve të OFK-së, nëse vërteton se shkaqet për të cilat është marrë ky vendim nuk ekzistojnë.

KREU IX – DISPOZITAT PËRFUNDIMTARE

Dispozitat përfundimtare Neni 20

1. Me miratimin e kësaj rregullore shfuqizohen të gjitha rregulloret e kuvendit të cilat kanë implikime në procedurat dhe kriteret për regjistrimin e anëtarëve në OFK.
2. Kjo rregullore hyn në fuqi nga 1 Janari 2025.

Prishtinë 14/12/2024



Kryetari i OFK-së
Mr.Ph. Kadri Bytyqi